



Udruženje Institut za razvoj i evropske integracije
Zmaja od Bosne 76, 71000 Sarajevo, Bosna i Hercegovina
Tel/fax +387 33 950 901
e-mail: nabavke@irei.ba
www.irei.ba

Sarajevo, 10.6.2025

Otvoreni postupak za dostavljanje ponuda br. 04-27-In/06-2025

Predmet	Radni paket bit će usmjeren na usluge dizajna u sklopu projekta Partnerstva za realizaciju Ciljeva održivog razvoja (SDG) između Bosne i Hercegovine i Švicarske (2024-2028).
Ugovarač	Udruženje "Institut za razvoj i evropske integracije"
U okviru projekta	Partnerstvo za realizaciju Održivih razvojnih ciljeva (SDG) između Bosne i Hercegovine i Švicarske (2024-2028).
Lokacija isporuke	Zmaja od Bosne br. 76, Sarajevo
Kontakt osoba	Maida Gopo Hamzić
Kontakt informacije	nabavke@irei.ba
Datum objave zahtjeva za ponudu	10.06.2025.
Trajanje poziva za dostavljanje ponuda	12 dana
Krajnji rok za dostavu ponuda	22.06.2025. do 23:59h

Kontekst:

Bosna i Hercegovina (BiH) je izrazila opredijeljenost za implementaciju globalne Agende 2030 i Ciljeva održivog razvoja (SDG), koji se realizuju kroz Okvir za implementaciju Ciljeva održivog razvoja u BiH (Okvir SDG) koji je usvojilo Vijeće ministara BiH, kao i vlade Brčko Distrikta BiH (BD BiH), Federacije BiH (FBiH) i Republike Srpske (RS). Za potrebe praćenja napretka u realizaciji SDG Okvira, Savjet ministara BiH je imenovao Interesornu radnu grupu za praćenje implementacije Ciljeva održivog razvoja u BiH – SDG Vijeće (u daljem tekstu SDG Vijeće BiH).

Švicarska i Bosna i Hercegovina dijele zajedničke izazove upravljanja i implementacije Ciljeva održivog razvoja u strukturi organizaciono složene vlade. Efikasna koordinacija i harmonizacija implementacije SDG-a na svim nivoima vlasti i njegova lokalizacija na nivou zajednice su oblasti od zajedničkog interesa. Razmjenom svojih dobrih praksi i učenjem o uspjesima i neuspjesima jedne druge, dvije zemlje mogu proširiti svoju bazu znanja, otvoriti se za nove i inovativne pristupe i na taj način potencijalno postati efikasnije i djelotvornije u upravljanju procesima SDG-a i ubrzavanju implementacije SDG-a. U skladu s tim, SDG Vijeću BiH, od strane Ambasade Švicarske u BiH, ponuđen je program SDG Partnerstvo između Bosne i Hercegovine i Švicarske.

Svrha SDG partnerstva između BiH i Švicarske je da inspiriše intervencije održivog razvoja u različitim oblastima u dvije zemlje kroz razmjenu znanja, inovativne pristupe, razmjenu dobrih praksi i naučenih lekcija u oblasti upravljanja procesima SDG-a. Partnerstvom u BiH upravlja Interesorna radna grupa za praćenje implementacije Ciljeva održivog razvoja u BiH (u daljem tekstu SDG Vijeće BiH) imenovana od strane Savjeta ministara BiH za potrebe koordinaciju i praćenja napretka u realizaciji SDG Okvira.

Predloženi konkretni rezultati SDG partnerstva su sljedeći:

- Institucije zadužene za upravljanje procesima ostvarivanja Agende 2030 u BiH i Švicarskoj postaju efikasnije u ispunjavanju svojih mandata;
- Privredni akteri iz BiH i Švicarske uspostavljaju partnerstva koja doprinose snažnijoj implementaciji SDG-a;
- Civilni sektor, akademska zajednica i građani u obje zemlje su svjesniji vrijednosti Agende 2030 i aktivno doprinose implementaciji SDG-a.

Ovaj projekat finansira Ambasada Švicarske u BiH, a kako bi pomogli implementaciji programa i podržali aktivnosti iz Inicijalne faze projekta, angažovala je IREI za administriranje programskih aktivnosti za potrebe SDG Vijeća BiH tj. institucija čiji su predstavnici imenovani u SDG Vijeće.

Trenutno je u toku realizacija prve faze projekta (2024-2028).

Predmet nabavke i opis zadatka:

- Logotip projekta, koji će odražavati ideju partnerstva Bosne i Hercegovine i Švicarske na implementaciji ciljeva održivog razvoja. Logotip i drugi elementi vizualnog identiteta navedeni u ovom pozivu će biti isporučeni u vektorskom formatu.
- Knjige standarda, kojom će biti definirana primjena logotipa na sljedeće: Dizajn backdrop-a u dimenzijama 3x2m, Dizajn printa na promo-materijalu (hemijske olovke, blokovi (A5 veličina), fascikle, powerpoint prezentacije, memorandum itd.

Odabrani dizajner/ica će ponuditi najmanje tri rješenja logotipa, između kojih će IREI i SDG Vijeće odabrati jedan. Rok isporuke je 10 radnih dana od dana prihvatanja ponude.

Navedeni zadaci uključuju komunikaciju sa osobljem IREI-a i partnerima, kao i udaljenu podršku.

Kvalifikacije

Pozivamo neovisne nacionalne konsultante i konsultantske kuće s relevantnim iskustvom u oblasti grafičkog dizajna da se prijave na ovaj poziv. Također, otvoreni smo za prijave timova koji kombinuju različite komplementarne vještine potrebne za ispunjenje zadatka.

Ukoliko aplicira tim, molimo da jasno navedete ulogu svakog člana i način podjele zadataka. Na poziv se može prijaviti pojedinačni konsultant ili tim konsultanata koji djeluju u koordinaciji.

Osnovne kvalifikacije

- Minimalno dvije godine radnog iskustva u oblasti grafičkog dizajna
- Najmanje tri projekta koja su uključivala izradu logotipa i knjigu standarda
- Dokazano iskustvo u radu s relevantnim softverom, uključujući Adobe Design Premium, InDesign, Illustrator, CorelDRAW, Photoshop i slične alate

Proces prijave

Vaša prijava treba sadržavati sljedeće elemente:

1. Biografiju;
2. Popis dizajnerskih projekata izvedenih u posljednje dvije godine ili duže uključujući tri dizajnerska projekta koji se odnose na izradu logotipa
3. Finansijska ponuda

Ponuđači su obavezni da pripreme ponude u skladu sa uslovima nabavke. Ponude koje nisu u skladu sa uslovima, bit će odbačene kao neprihvatljive.

Finansijska ponuda:

Ukupna cijena ponude se piše brojevima i slovima, a izražava u konvertibilnim markama (BAM). U slučaju neslaganja ukupnih iznosa upisanih brojčano i slovima, prednost se daje iznosu upisanom slovima.

Ponuđači snose sve troškove nastale u toku pripreme i dostavljanja ponude. Ugovarač ne snosi nikakve troškove u postupku nabavke.

Ponuda mora sadržavati datum i potpis (elektronski) ponuđača sa kontakt informacijama. Ukoliko sadrži više od jedne stranice, potrebno je da sve stranice ponude budu numerisane, na način da

je vidljiv redni broj stranice. Ponuda mora sadržavati specifikaciju troškova u KM po svim tačkama navedenima u predmetu nabavke.

U roku predviđenom za podnošenje ponuda, ponuđač može da izmijeni, dopuni ili povuče ponudu. Ponuđač podnosi izmjenju, dopunu ili povlačenje ponude sa naznakom jedne od opcija: „Izmjena/dopuna/povlačenje ponude **04-27-In/06-2025**“.

Period važenja ponude:

Ponude moraju da važe 15 dana, računajući od dana zatvaranja poziva za ponude.

Rok za donošenje odluke o izboru ponuđača:

Ugovarač će donijeti odluku o izboru eksperta/ice (jednog/e ili tima) u roku od 15 dana od roka za podnošenje ponuda. Ugovarač će izabrane osobe obavijestiti o prihvatanju ponude najkasnije u roku od 16 dana od dana zatvaranja poziva. U istom periodu bit će obaviješteni i svi ostali ponuđači u postupku nabavke, čija ponuda nije prihvaćena.

Načini i uslovi plaćanja izabranom ponuđaču:

Avansno plaćanje nije predviđeno ovim pozivom. Plaćanje će se izvršiti u roku od 10 dana od odobrenja traženog sadržaja.

Kriterij za odabir najbolje ponude:

Ugovarač će donijeti odluku o najuspješnijoj ponudi na osnovu sljedećih kriterija:

- Pokazanog iskustva ponuđača (60 bodova)
- Cijene ponuđene usluge (40 bodova)

Način dostavljanja ponude:

Ponude se dostavljaju na e-mail adresu nabavke@irei.ba sa naznakom u PREDMET/SUBJECT-u:

***Ponuda po otvorenom postupku za dostavljanje ponuda br.
04-27-In/06-2025***

U tijelu e-maila se navode nazivi svih dostavljenih dokumenata, a dokumenti se imenuju kao što su nabrojani u sekciji „Proces prijave“.

Svi dokumenti trebaju biti dostavljeni u PDF formatu.

Krajnji rok za dostavljanje ponuda je 22.06.2022. do 23:59h
